


مکملہ ادبی و سیاسی رسالہ اسبوعیہ در

۳۰ نجی سنہ



۵ جمادی الاولیٰ ۱۳۲۹

پنجشنبہ

جزو عدد : ۹۴

مقالات سیاسیه کالده مسامحات

کلیات کالک او چنجی قسمی اولان (مقالات سیاسیه و ادبیه) نك اینجی جزوی کچن هفته نشر اولمشدر . بو جزو دخی برنجیسی کبی ، تصویر افکار ، حریت ، عبرت ، حدیقه ، و دیوژن غزته لرند . مقدا نشر ایدیلان مقالاتی جامع بولمشدر .

آثار کمال . بنم ایچون غدای روحدر . باخصوص بو مقاله لرك اکثری املا طریقله بنم قلمدن چیقمش شیئر اولدیغندن ، آنلری اوقودقچه یش تفکرده کال ، و کال ایله برابر آنلرك محریر ونشرینی الجا ایدن احوال کسب وجود ایدر . بوجهتله در ، که بن آنلری ، وسائط نشریه نك هر هانکی طرزنده تجدیداً تمثیل ایدلمش کورسم عینیله یازدقلری زمانده کی شوق و نشوه ایله اوقورم ؛ و « کچمش زمان اولور ، که خیالی جهان دکر ! »

مصراعنی - آنلرك احساس ایندیکی حالاتك ، اعاده ماضی قیلندن اولان خاصه فوق العاده بی ترجمه ایدیشندن طولانی - موافق حقیقت بولورم . بوگون کالک هر هانکی بر مقاله سی ویا درت سطرلی بر مکتوبی ، عنوان وامضادن تجرید اولنبرق بکا ارانه اولنسون . او مقاله نك نه زمان ، نرده ، نه عنوان ایله نشر ایدلمش و او درت سطرلی مکتوبك خامه کالدن جیقمش اولدیغنی بر عباره ویا جمله سیله اثباته مقتدرم .

بوتقدیر و تعینك ، فقط اسلوب بیانه تعلق ایدن جهتلرند بنم قدر ، حتی بندن زیاده اظهار اقتدار ایدم جکلرك برنجیسی محمود اکرم وایکنجیسی ده کمال پاشا زاده سعید بك افندیلردر .

بزلر اومرشد صرفاً نملزله سنه لرجه برابر بولندق. بوبرابرلك بعضاً سنه لرجه
فاصله به اوغرامش ايسه ده اوافاصله ، صائبك :

ما ازتو جداییم بصورت نه بمعنا

چون فاصله بیت بود فاصله ما

بیتيله تعريف ايتديكي آيريلقلردن ایدی . چونكه حسلرمز ، ذوقلرمز ، فکر
وتصورلرمز هپ برنقطه ده مجتمع اولدیلندن ، افتراق صوری ، اتحاد معنوی بی سلب
ایده میور ، بلکه تشییید ایدیوردی .



مقالات منتشره ده کی مسامحی سوبیلیم :

ایکینجی جزؤك ۱۵۸ نجی صحیفه سنده (کرید مسئله سی - روسیه پولتیقه سی)
عنوانیله ۱۴ ایلول ۱۲۸۵ تاریخی حریتدن نقل اولنمش بر مقاله کوریلیدور.
بومقاله نك صاحبی بزجه معلومدر : تأسف اولنورکه آناریدری - حسب الورهانه -
جمع ونشر ایتکده اولان فرزند کاله مجهول بولنمشدر . بوجهل ایسه استلزام
خطا ایتدیکی جهتله کالک شرفنی نقص ایله چکی گبی صاحب مقاله نك ده حقنه تجاوزدر .
بدرینك یازدقلرینی آخرك آنارندن تفریق وتمیزدن عاجز اولان بر اولاد ،
آنلری تمثیل ونشره ده مستحق اوله مامق لازم کلیر . اوت ! آتی باصدیرمق حقنی
قانون تأمین ایتمشدر . فقط ، ولوعن جهل اولسون ، آخرك آنارینی غصبه اقتدار
صلاحیت ویرمامشدر .

۱۲ نومرولی حریتده اوافق حروف ایله مندرج اولان بومقاله نك اوستنده کی
استانبول مکتوبیله آلتنده کی (اصول مشورت حقنده ایضاحنامه) آره سنده کرک
فکراً و کرک اسلوباً پک آشکار اولان فرقی کورمك لازم کلوردی . چونکه
مقاله ، استانبول مکتوبیله اصول مشورت مکتوبی ییتنده برخط وصل اولمقدن
ریاده برحد فصل تشکیل ایتکده در .

بن ادعا ایدرم که کالک قلندن مدت عمرنده : (صورتده غرابت و حقیقتده

اثر ابله مؤثر بیننده تطابق و موافقت گوستر دکارندن (طرزنده بر عباره صادر اولماشدر .

هله شو : (کریدیلر بدایت مسئلهده اورتیه قویدقلری عرضحال عمومیلرند کوستردکلری وجهله صحیحاً ویرکو و التزامات و مأمورلردن کوریلایا تعدیات سبیلهمی سربر آورده طغیان اولدیلر !) جمله سینه بکزر بر جمله کال کوسترلسنه امکان یوقدر .

باخصوص کال (اولوب ، بیلوب ، کیدوب) کی روابط عطفیه بی دأما (اولهرق ، بیلهرک ، کیدرک) صورتنده یازدینی جهله بومقاله نک لطافتی شویله طورسون ، آهنگ سلاستی بیله روح کالی ازعاج ایدم جک مرتبه لرده ثقیل در . شو (آله نک یونانه ویرلسی بختی روسیه ، پروسیا ، آمریکا متفقاً و رسماً دولت علیه نصیحت ایلدکلری صرمده انکلترونک (قارشیموب) بر حال ناخشنودی کوسترمسینک سبب وعلتی جمله سنده کی (حال ناخشنودی) ترکیبی کالک قلنه فصل یاقشدریله بیلیر ؟

قیمت ادبیه بی حائز اولمیان بومقاله نک باری بر قیمت سیاسیه سی بولنسه انسانک یورکی یانماز .

حال بوکه مقاله نک اوست طرفده استانبولدن کوندرلمش کی اعلان اولغش اولان مکتوبک شو عبارمه سنه باقیلنجه کالک لسان بیانی کندینی فصل اظهار ایدیور : « معلومکزدرکه روما دولتنک واسططنده اوج کشی جمهور الندن اغتصاب حکومت ایدرک (تربیومویرا) نامیله بر اداره ظالمانه تشکیل ایشملر ایدی . صکره اوجک ایکیسی برر برر زائل اولدی . آمر مطلق مقامنده یالکز مشهور قیصر قالدی . بونیده بیلورسکزرکه باب عالی ، اوج ذاتک النده ایکن اوروپالیر آدینی (تربیومویرا) قومشلردی . شمدی قاله قاله بری قالیور . بزده آمر مطلقمز میدانه چیقدی دیسه ک عجباً مناسبتسزمی اولور ؟ »

برده اصول مشورت حقنده کی مکتوبک شو فقرمه سنه باقلسون :

« برادر ! سزه اومکتوبی کیم ویردی ؟ برماده دیه اعتراض ایتک ایستیورکه

عندمده بداهت حکمنده در . اصول مشورتی براقه یمده نه مقصد اوزرینه حرکت ایدیم ؟ دنیا ده کوردیکمز بدایع مدنیک قوه موجوده سی هب اصول مشورت دکلیدر ؟ .

ایشته طرز بیان کمال ، بوجهلرده قوتیله ، لطافتیله ، سلاست و متانتیله کندینی کوسترمکده در .

(کرید مسئله سی) مقاله سی ایسه ضیا پاشا مرحومکدر . ترکیلرینی ، جمله لرینی ، طرز افاده سیله برابر ملاحظات سیاسیه سی ، سائر بر چوق محرراتیله مقابله و اثبات ایده بیلیرز .

حریتده مندرج مقالات و محرراتک باشلیجه لری کال ایله ضیا پاشا طرفندن یازلمشدر . حتی استانبول مکتوبلرینک همان کافه سی ینه بواکی رفیق بارسله لوندرده یازمشلردر . واقعا استانبولدن ده صورت مخصوصه ده اخباراتده بولنیلوردی . فقط آنلر اخباراتی تلقیدن صکره ایستدکلری طرزده تحویل ایدرلردی .

دیمک ایسترزکه حریت غرضه سندن آله حق مقاله لریک اصحابی تفریقدن زیاده ماهیت ادبیه و انشائییه سی تمیز اقتضا ایدر . آنی تأمین ایدمک مزیتی حائز اوله میانلر طرفندن حریت قوللقسیونی عیناً کاله مال ایدلمش اولسه نه حکمی اولور ! بناء علیه ، کلیات کاله ادخال اولنه حق مقاله لرده مسامحه کارانه دکل ، نقادانه طاورائلاسی خالصانه اخطار ایدرز .

ابوالضیا

